



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-07/01-04-10266-23/25
Sarajevo, 11.04.2025. godine

Bosna i Hercegovina
Federacija Bosne i Hercegovine
Kanton Sarajevo
SKUPŠTINA KANTONA SARAJEVO
n/r sekretara Skupština Kantona Sarajevo

Predmet: Odgovor na dostavljenu zastupničku inicijativu upućenu na 21. radnoj sjednici
Skupštine Kantona Sarajevo, *dostavlja se*
Veza – Vaš akt, broj: 01-04-10266-8/25 od 28.03.2025. godine

Poštovani,

u Ministarstvu za odgoj i obrazovanje Kantona Sarajevo (u daljem tekstu: Ministarstvo) dana 03.04.2025. godine zaprimljena je zastupnička inicijativa zastupnice Marijele Hašimbegović, sa obrazloženjem podnošenja iste, upućena na 21. radnoj sjednici Skupštine Kantona Sarajevo kako slijedi, citiramo:

„Upućujem inicijativu da se Odluka ovlaštenoj osobi za obavljanje poslova direktora broj: 11-07/01-30-45645-24/24 od 13.03.2025. godine preispita i stavi van snage. Očekujem da će resorno ministarstvo sačiniti adekvatnu analizu i donijeti odluke kao najbolja rješenja za neometan i zakonit rad za JU Osnovna muzička škola Ilidža.“

Postupajući po predmetnoj inicijativi, obavještavamo Vas da je procedura izbora vršioca dužnosti direktora škole, kao i procedura davanja ovlaštenja nastavniku ili stručnom saradniku škole da obavlja poslove iz nadležnosti direktora propisana članom 112. st. (1) i (2) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24) kako slijedi:

„(2) Ukoliko direktor nije imenovan, odnosno ukoliko je razriješen prije isteka mandata, školski odbor će iz reda nastavnika ili stručnih saradnika škole odmah imenovati vršioca dužnosti direktora na period koji ne može biti duži od šest mjeseci od dana imenovanja i u roku od 30 dana od dana imenovanja vršioca dužnosti raspisati javni konkurs za izbor i imenovanje direktora.

(3) Ako školski odbor ne imenuje vršioca dužnosti direktora, Ministarstvo će posebnim aktom ovlastiti nastavnika ili stručnog saradnika škole, da obavlja poslove iz nadležnosti direktora.“

S tim u vezi, na osnovu člana 112. stav (3) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), kojim je

propisano da će Ministarstvo posebnim aktom ovlastiti nastavnika ili stručnog saradnika škole, da obavlja poslove iz nadležnosti direktora, ako školski odbor ne imenuje vršioca dužnosti direktora (*Školski odbor Javne ustanove Osnovna muzička škola Ilidža je u skladu sa propisanom procedurom već jednom imenovao vršioca dužnosti direktora škole kojem je istekao mandat i to Džudža Sanelu*), Ministarstvo je donijelo Odluku o davanju ovlaštenja za obavljanje poslova direktora Javne ustanove Osnovna muzička škola Ilidža, broj: 11-07/01-30-45645-24/25 od 13.03.2025. godine, kojom se daje ovlaštenje Džudža Saneli da obavlja poslove direktora, u skladu sa ovom odlukom. Ovlaštenje je u skladu sa tačkom III ove odluke dato za period do okončanja konkursne procedure za izbor i imenovanje direktora/direktorice Javne ustanove Osnovna muzička škola Ilidža na mandatni period od 4 (četiri) godine, odnosno za period koji ne može biti duži od šest mjeseci od dana dostavljanja ove odluke imenovanoj. U obrazloženju ove odluke navedeno je sljedeće, citiramo:

„U Ministarstvu za odgoj i obrazovanje Kantona Sarajevo (u daljem tekstu: Ministarstvo) zaprimljena je Odluka Školskog odbora Javne ustanove Osnovna muzička škola Ilidža, broj: 01-1-723/24 od 11.09.2024. godine, o imenovanju Džudža Sanele, Bakalaureat/bachelor muzičkih umjetnosti-klavir, za vršioca dužnosti direktora ove javne ustanove. Tačkom II ove odluke definisano je da se vršilac dužnosti imenuje na dužnost počev od 12.09.2024. godine na određeno vrijeme do okončanja konkursne procedure za izbor direktora/direktorice, a najduže do 6 (šest) mjeseci do dana imenovanja.

Prema obrazloženju ove odluke, Školski odbor je istu donio shodno prijedlogu Džudža Sanele za vršioca dužnosti direktora ispred Sindikalne podružnice Javne ustanove Osnovna muzička škola Ilidža i ispred radnika škole (Nastavničko vijeće), s obzirom da je na sjednici na kojoj su bili pozvani svi radnici škole 49 od ukupno 60 radnika izglasalo imenovanu za vršioca dužnosti direktora.“

Navedeno potvrđuje da je određeni broj radnika škole bilo saglasan sa izborom vršioca dužnosti direktora u konkretnom slučaju Džudža Sanelom, što je uzeto u obzir prilikom donošenja Odluke o davanju ovlaštenja za obavljanje poslova direktora Javne ustanove Osnovna muzička škola Ilidža, broj: 11-07/01-30-45645-24/25 od 13.03.2025. godine, kojom se daje ovlaštenje Džudža Saneli da obavlja poslove direktora. Također, u vezi dijela navoda iz obrazloženja zastupničke inicijative o dostavljanju dokumentacije o prijedlogu od 11.09.2024. godine za vršioca dužnosti direktora škole, ističemo da nije propisana procedura dostavljanja od strane radnika škole, odnosno Sindikalne podružnice JU Osnovna muzička škola Ilidža, prijedloga za vršioca dužnosti direktora škole, pa tako ni prijedloga za lice kojem se daje ovlaštenje za obavljanje poslova direktora.

Imajući u vidu da je mandat Džudža Saneli po osnovu Odluke Školskog odbora Javne ustanove Osnovna muzička škola Ilidža, broj: broj: 01-1-723/24 od 11.09.2024. godine kojom je imenovana za vršioca dužnosti direktora škole istekao, a s ciljem osiguranja normalnog funkcionisanja i rada Javne ustanove Osnovna muzička škola Ilidža i ostvarivanje najboljeg interesa učenika, Ministarstvo je u skladu sa svojom isključivom nadležnosti i zakonskim propisom donijelo predmetnu odluku.

S poštovanjem,



Dostaviti:

1. Naslovu;
2. Evidenciji;
3. Arhivi.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba